



**UDRUŽENJE GRAĐANA ZA POVRAT STARE  
DEVIZNE ŠTEDNJE U BiH i DIJASPORI**

RAIFFEISEN BANKA  
ž.r. 1610450036820073  
e-mail: [nnisic@spinter.net](mailto:nnisic@spinter.net)  
[www.starastednjabh.org](http://www.starastednjabh.org)

Sjedište: Banja Luka 78000  
I. G. Kovačića 139b  
tel. 051/380-738  
fax. 051/381-374

UPRAVNI ODBOR

Broj: 1534/10

Banja Luka, 06.02.2010.

**SAOPŠTENJE ZA JAVNOST**

Ovim saopštenjem obraćamo se širokoj javnosti u Bosni i Hercegovini, a posebno vlasnicima stare deviznim štednje u Bosni i Hercegovini i dijaspori.

U posljednje vrijeme Udruženju građana za povrat starih devizne štednje u Bosni i Hercegovini i dijaspori obraćaju se vlasnici stare devizne štednje koji su svoja prava pokušavaju ostvariti putem Udruženja za zaštitu deviznih štediša sa sjedištem u Sarajevu ul. Čekaluša br. 6. Ovo udruženje je poznato kao udruženje koje vodi Amila Omersoftić. Štediša koje nam se obraćaju ističu da su zbunjeni upustvima i smjernicama koje dobijaju iz Udruženja po nalogu gospođe Omersoftić ili od nje lično. Naime, gospođa Omersoftić podstiče članove svog Udruženja da izvrše verifikaciju svoje stare devizne štednje i da se odreknu prava na žalbe/tužbe i sudsku zaštitu u ostvarivanju prava na staru deviznu štednju. Gospođa Omersoftić isto tako u nezavidnu situaciju dovodi članove Udruženja za zaštitu starih deviznih štediša u predmetima koji se nalaze pred Evropskim sudom za ljudska prava u Strazburu. Aplikacije nije pravila na propisanom obrascu od 9 stranica i nije potpisala obrazac punomoći propisan od strane Evropskog suda u predmetima te je Sud smatrao da u postupku nema zastupnika. Od cijelog postupka pred Sudom je pravila jeftinu farsu.

Za gospođu Amilu Omersoftić je opšte poznato da nije imala staru deviznu štednju i da se aktivno bavila politikom u vrijeme kada je izvršena prva pljačka stare devizne štednje. Izgleda da je kasnije po zadatku osnovala Udruženje kako bi iz potaje radila u interesu pljačkaša iz vlasti varajući one koji su joj povjerovali. Amila Omersoftić je na raspravu pred Sudom u Strazburu putovala o trošku vlasti, za razliku od ostalih predstavnika vlasnika stare devizne štednje. Ona se u nekoliko navrata nesuvislim izjavama velikodušno odricala kamata i pristajala na nerazumno duge rokove isplate. U svom ponašanju je izgubila svaku mjeru i dostojanstvo nesretnika koje je prevarila te ih požuruje na verifikaciju i odricanje od njihovih prava, jer je po svemu sudeći ucijenjena i od broja onih koji završe verifikaciju i visine novca koji se verifikuje zavisi da li će se možda njeno ime naći na nekoj izbornoj listi ili će na neki drugi način dobiti mrvicu izvršne vlasti.

Cijeneći navedeno apelujemo na sve vlasnike stare devizne štednje da dobro razmisle da li će postupiti po nalogu gospođe Omersoftić i odreći se prava koja im pripadaju u korist njene političke promocije.

U prilogu ovog saopštenja dostavljamo dopis Rudić Ismeta od 07.01.2010. godine, dopis Evropskog suda za ljudska prava iz Strazbura Slavku Markoviću od 28.08.2007. godine i Blaženki Mazić od 21.01.2008. godine.

S poštovanjem,

Za Upravni odbor  
PREDSJEDNIK  
Svetozar Nišić

